

KOMUNA GLLOGOC GLLOGOC MUNICIPALITY			
PRANUAR		06/10/ 2025	
Nj. Org.	Numër	Shtojca	Vlera
01-	060/04-	44	110



Republika e Kosovës
Republika Kosova – Republic of Kosovo
Komuna e Drenasit
Opština Drenas –Municipality of Drenas



PROCESVERBAL

I

DËGJIMEVE BUXHETORE

Vendi: SHFMU “Zenel Hajdini”, Tërstenik

Datë: 18.08.2025

Ora: 19:15

Dëgjimet buxhetore në Tërstenik u mbajtën më 18 gusht 2025, ku morën pjesë përfaqësues nga fshatrat Tërstenik I dhe II, Shtuticë, Polluzhë dhe Verboc. Në këtë dëgjim buxhetor, nga Komuna ishin të pranishëm:

Ramiz Lladrovci	Kryetar i Komunës
Arben Shala	Nënkryetar i Komunës
Muhamet Gjoka	Drejtor i Drejtorisë për Arsim,
Endrit Gllareva	Drejtor i Drejtorisë së Infrastrukturës Publike
Nexhmedin Gruda	Drejtor i Drejtorisë për Shërbime Publike dhe Emergjencë, dhe UD i Drejtorit të Drejtorisë për Buxhet dhe Financa
Kushtrim Bajraktari	ZKF-Zyrtar Kryesor Financiar
Bekim Dobra	Udhëheqës i Zyrës për Komunikim me Publikun

Rendi i ditës

Dëgjimi Buxhetor filloi me këtë rend dite:

1. Prezantimi i projeksioneve buxhetore për vitet 2026–2028,
2. Pranim dhe shqyrtimi i kërkesave,
3. Çështje të ndryshme.

Hyrje

Prezantimi i projeksioneve buxhetore për vitet 2026–2028

Hapjen e dëgjimit buxhetor e bëri **Udhëheqësi i Zyrës për Komunikim me Publikun, z. Bekim Dobra**. Në fjalën e tij hyrëse, ai theksoi rëndësinë e organizimit të dëgjimeve buxhetore si mekanizëm i transparencës dhe i përfshirjes së qytetarëve në procesin e planifikimit buxhetor. Po ashtu, ai prezantoi rregullat dhe procedurat që do të ndiqeshin gjatë zhvillimit të këtij dëgjimi.

Tutje, fjalën e mori **Kryetari i Komunës, z. Ramiz Lladrovci**, i cili përshëndeti të pranishmit dhe falënderoi qytetarët për pjesëmarrjen aktive në këtë proces. Ai theksoi se dëgjimi ka për qëllim shpalosjen e projeksioneve buxhetore për vitet 2026–2028, si dhe mbledhjen e kërkesave e propozimeve nga qytetarët për projektet e nevojshme në komunitet.

Kërkesat

Pranim dhe shqyrtimi i kërkesave

Pas fjalës përshëndetëse të Kryetarit Lladrovci, fjalën e morën përfaqësuesit e fshatrave të këtyre lokaliteteve, të cilët parashtruan kërkesat e tyre.

Përfaqësuesit e fshatrave paraqitën kërkesat e tyre. Në total u parashtruan tri kërkesa kryesore: Ndriçim publik, Infrastrukturë rrugore, Ujësjellës dhe kanalizim.

Kërkesat u pranuan dhe u regjistruan, ndërsa u dhanë përgjigje të përgjithshme nga kryetari i komunës dhe drejtorët përkatës.

Përfaqësues / Banor	Lokaliteti	Kërkesa	Përgjigja / Sqarimi nga institucioni
Bajram Qallapeku	Terstenik	Në lagjen Demaku : ruga për tek Gjokët dhe një rrugë te Bazajt. Në lagjen Dvorani : dy rrugë për asfaltim. Në lagjen Bylykbashi : dy rrugë. Në lagjen Kaçurreti : një rrugë për asfaltim. Nevojë për trotuar në disa lagje ku banojnë familje. Dy rrugë për asfaltim edhe te Mulajt .	Të gjitha kërkesat për rrugë janë aprovuar dhe përfshihen në planin e infrastrukturës lokale. Demakët, Dvoranët, Bylykbashët, Kaçurretët dhe Mulajt hyjnë në faza të ndryshme ekzekutimi sipas prioriteteve të qarkullimit dhe buxhetit. Trotuaret janë në planin afatmesëm 3-vjeçar, me fokus fillestar pranë shkollave dhe zonave me rrezik. Prioritet mbetet lidhshmëria e lagjeve, siguria dhe akses më i shpejtë për qytetarët.
Agim Kaçurreti	Tërstenik	Kërkesë për lagjen Dvorani : rruga të lidhet me lagjen. Problemi kryesor: përmbi 50 shtëpi po bllokohen nga kanalizimi.	Faleminderit për informacionin. Kërkesa e banorëve të lagjes Dvorani për lidhjen e rrugës me pjesën tjetër të lagjes është marrë në shqyrtim dhe do të përfshihet në planin e ndërhyrjeve infrastrukturore. Sa i përket problemit të kanalizimit që po ndikon mbi 50 shtëpi, Drejtoria për Shërbime Publike do të dalë në terren për inspektim dhe do të ndër marrë veprimet e nevojshme për zhbllokim dhe sanim të sistemit, në mënyrë që të zgjidhet përfundimisht kjo situatë.

Bahri Bylykbashi	Tërstenik	Kërkesë: varrezat të rrethohen.	Furnizimi me ujë do të kryhet nga KRU "Prishtina"; ndriçimi publik është në procedurë - OSHP; vendosja e shtyllave elektrike në lagjen Behrami duhet të bëhet nga KEK.
Florim Dvorani	Lagja Dvorani Tërstenik	Zëvendësimi i gypit të vjetër të kanalizimit.	Ekipet teknike do të dalin në terren për të vlerësuar gjendjen aktuale dhe për të ndërhyrë me zëvendësimin e gypit, në mënyrë që të sigurohet funksionim i rregullt dhe i qëndrueshëm i kanalizimit.

Arbnon Istogu	Përfaqësuesi i fshatit Polluzhë	Një rrugë për asfaltim te lagjja Maloku. Kanalizim te familja Istogu. Trotuar në lagjen Istogu – toka është publike. Asfaltim në rrugën Fatos Kastrati. Asfaltim në lagjen Muharremi. Kanalizimi i Stamat të Rekës. Asfaltim pranë marketit Istogu.	Faleminderit për paraqitjen e kërkesave. Të gjitha çështjet e evidentuara janë pranuar dhe janë futur në planin e punimeve infrastrukturore. Asfaltimi i rrugës në lagjen Maloku, asfaltimi në rrugën “Fatos Kastrati” dhe në lagjen Muharremi, si dhe segmenti pranë marketit Istogu do të trajtohen sipas prioriteteve të përcaktuara. Ndërkohë, do të ndërhyhet edhe në ndërtimin e kanalizimit te familja Istogu dhe në kanalizimin e Stamat të Rekës. Sa i përket ndërtimit të trotuarit në lagjen Istogu, meqë toka është publike, procedurat do të fillojnë sapo të përfundojë faza e verifikimit teknik nga Drejtoria për Shërbime Publike.
Gent Istogu	Banor i fshatit Polluzhë	Kërkesë për kanalizim në mbi-kalim, tek lagjet Veliqi dhe Topalli.	Ekipet teknike do të dalin në terren për inspektim dhe vlerësim të gjendjes, në mënyrë që të realizohet një zgjidhje funksionale dhe afatgjatë për menaxhimin e ujërave në atë zonë.
Latif Veliqi	Banor i fshatit Polluzhë	Kërkesë për ujësjellës. Problemi: pa ujë të pijshëm, gypat e shkatërruar dhe të dëmtuar.	

Avni Gashi	Banor i fshatit Vërboc	Kërkesë për një rrugë në lagjen Gashi. Nevojiten disa trotuare pranë shkollës. Rruga ka hapësirë për ndërhyrje.	Kërkesa për ujësjellës është marrë në shqyrtim — mungesa e ujit të pijshëm dhe dëmtimi i gypave do të trajtohen me prioritet nga Drejtoria për Shërbime Publike në bashkëpunim me KRU “Prishtina”, për të siguruar furnizim të qëndrueshëm dhe cilësor me ujë. Ndërhyrja për ndërtimin e rrugës në lagjen Gashi do të planifikohet brenda projektit të investimeve kapitale, ndërsa ndërtimi i trotuareve pranë shkollës do të realizohet, pasi ekziston hapësira e mjaftueshme për zbatim.
Lindihana Qorri	Drejtoresha e shkollës	Të shtrohet një pjesë e rrugës ndërmjet shkollës dhe fushës sportive.	Shtresimi i rrugës ndërmjet shkollës dhe fushës sportive është parashikuar si ndërhyrje e nevojshme për lehtësimin e qarkullimit të nxënësve dhe qytetarëve. Drejtoria për Shërbime Publike do të përfshijë këtë segment në planin e punimeve të afërta, me qëllim që rruga të shtrohet dhe të sigurojë kalueshmëri të plotë gjatë gjithë vitit.

Arbresha Gashi	Drejtoreshë e Shkollës së Verbocit	Shpreh falënderim për kryetarin, pasi shkolla është futur në renovim të plotë. Falënderon për mbështetjen që shkolla më në fund të rinovohet në tërësi.	Shkolla shpreh falënderim të veçantë për Kryetarin e Komunës për mbështetjen dhe angazhimin e tij që ka mundësuar futjen e shkollës në proces të renovimit të plotë. Ky investim i shumëpritur do të krijojë kushte më të mira për mësim dhe zhvillim për nxënësit dhe stafin, duke e bërë shkollën një hapësirë moderne dhe funksionale në shërbim të komunitetit.
----------------	------------------------------------	---	---

Çështje të ndryshme


Nuk pati pika shtesë për diskutim.

Përfundimi

Meqenëse rendi i ditës u përmbyll, dëgjimi buxhetor u shpall i përfunduar.

Kryetari falënderoi pjesëmarrësit për kontributin e tyre.

Numri i Pjesëmarrësve		
M - 22	F - 8	Totali: 30

Procesmbajtësi

 Avdyli Mziu

